



Fernand ETGEN  
President vun der  
Deputéiertechamber  
19, um Krautmaart  
L-1728 Lëtzebuerg

Lëtzebuerg, den 18/11/2020

**Här President,**

**Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Verdeedegung & Finanzen weiderzeleeden.**

Laut engem Artikel vum 18ten November vu reporter.lu, gouf et 2018 Pläng vum deemolege Verdeedegungsminister Etienne Schneider, fir d'Direktioun vun der Defense an der Police, esou wei de SREL a Gebailechkeeten op der Cloche d'Or ënnerzebréngen. Laut dem Noriichteportal hätt dëse Projet, dee warscheinlech de Sécherheetsstandarde fir dës Administratiounen net entsprach hätt, de Steierzueler um Enn bis zu 70 Milliounen Euro kascht.

An deem Zesammenhang wéilt ech de Ministeren dës Froe stellen:

1. Wéi vill Gebailechkeeten huet de Staat säit dem 6.12.2013 duerch eng esou genannte Prozedur *location-vente* kaaft?
2. Firwat hunn d'Ministeren no de Walen 2018 decidéiert, déi verschidden Direktiounen net an d'Gebai *Darwin* op d'Cloche d'Or ze plënnere?
3. Firwat gouf no de Walen 2018 decidéiert, fir d'Servicer vum Ministère de la Santé an dësem Gebai ënnerzebréngen?  
Gëtt et eng *clause d'achat* am Kontrakt tëscht dem Staat an de Besëtzer vum Gebai?
4. Laut reporter.lu, huet den deemolegen Arméiminister Drock op seng Servicer gemaach, dass de Projet nach virun de Walen 2018 ofgeschloss sollt ginn. Ee Projet, an deem ee Promoteur verwickelt ass, bei deem den deemolege Minister och privat gelount huet.  
Gesinn d'Ministeren an dësem Fall een Interessekonflikt?



[www.piraten.lu](http://www.piraten.lu)

Mat déiwem Respekt,

A handwritten signature in black ink, consisting of a large, sweeping initial 'C' followed by a smaller 'L' and a horizontal line extending to the right.

CLEMENT Sven  
Député



[www.piraten.lu](http://www.piraten.lu)